

## FUNDARGERÐ STJÓRNAR STRÆTÓ BS.

### 303. fundur

Föstudaginn 3. maí 2019 var haldinn fundur í stjórn Strætó bs. í Mjódd og hófst hann kl. 11:00.

#### Mætt voru

Björg Fenger (BF), Hjálmar Sveinsson (HS), Karen Halldórsdóttir (KH), Sigrún Edda Jónsdóttir (SEJ) og Kolbrún Þorsteinsdóttir, varamaður fyrir fulltrúa Mosfellsbæjar.

**Fjarverandi:** Helga Ingólfssdóttir, fulltrúi Hafnarfjarðar.

Fundinn sátu einnig Jóhannes S. Rúnarsson (JSR), framkvæmdastjóri og Ástríður Þórðardóttir (ÁÞ), sviðsstjóri fjármála og rekstrar sem ritaði fundargerð.

#### Dagskrá fundar:

1. Rafrænt greiðslukerfi
2. Vinnustaðakönnun 2019
3. Kjarasamningur
4. Persónuverndarstefna
5. Önnur mál

#### Tekið fyrir:

##### 1. Rafrænt greiðslukerfi

Á fundi eigendavettvangs Strætó 8. apríl sl., var fjárfesting og innleiðing á nýju rafrænu greiðslukerfi Strætó að undangengnu útboði samþykkt í samræmi við framlögð gögn á fundinum. Í fjárhagsáætlun Strætó fyrir árið 2019 er gert ráð fyrir að fjárfest verði í rafrænu greiðslukerfi fyrir 200 m.kr. í ár og 100 m.kr. á næsta ári, samtals er um að ræða 300 m.kr. fjárfestingu.

Fyrir fundinum liggja drög að útboðsgögnum og minnisblað frá Borgarlögmanni Reykjavíkur

Eyþóra Kristín Geirsdóttir lögmaður hjá Borgarlögmanni Reykjavíkur, kom á fundinn og fór yfir minnisblaðið.

Stjórn samþykkir að fara í samningskaup að undangenginni auglýsingu, í samræmi við fyrirliggjandi drög að útboðsgögnum með þeim breytingum sem ræddar voru á fundinum.

##### 2. Vinnustaðakönnun 2019

Sigríður Harðardóttir, sviðsstjóri mannauðs- og gæðasviðs fór yfir niðurstöður vinnustaðagreiningar Strætó 2019.

##### 3. Kjarasamningur

Núverandi kjarasamningur Strætó og Sameyk, (áður starfsmannafélag Reykjavíkurborgar) rann út 1. apríl 2019.

Stjórn felur, Jóhannesi Rúnarssyni framkvæmdastjóra Strætó, Ástríði Þórðardóttur sviðsstjóra fjármála og reksturs og Sigríði Harðardóttur sviðsstjóra mannauðs- og gæðasviðs, að leiða samningaviðræður við stéttarfélag starfsmanna Strætó, Sameyk um nýjan kjarasamning.

Nýr samningur verður lagður fyrir stjórn til samþykktar þegar hann liggur fyrir.

##### 4. Persónuverndarstefna

Sigurður Már Eggertsson, persónuverndarfulltrúi Strætó kom inn á fundinn til að fara yfir breytingar á persónuverndarstefnu Strætó. Breytingar á stefnunni taka mið af athugasemdum Persónuverndar, sem flestar snúa að fræðsluskyldu Strætó í akstursþjónustu fatlaðra.

Byggðasamlögin Strætó, Slökkvilið höfuðborgarsvæðisins og Sorpa eru í samstarfi um ráðningu persónuverndarfulltrúa til eins árs vegna innleiðingar á nýjum persónuverndarlögum og til að vinna að þeim málum sem upp kunna að koma á tímabilinu og varða persónuvernd.

Stjórn samþykkir nýja persónuverndarstefnu í samræmi við umræður á fundinum.

## 5. Önnur mál

---

- a) Fyrirspurn frá fulltrúa Sósíalístaflokks Íslands í borgarstjórn Reykjavíkur lögð fram . Stjórn felur framkvæmdastjóra að svara fyrirspurninni í samræmi við umræður á fundinum.
- b) Fyrirspurn frá ÍSAM um breytingar á leiðakerfi í kringum Korputorg, dagsett 14. ágúst 2018, lögð fram. Framkvæmdastjóra falið að svara fyrirspurninni í samræmi við umræður á fundinum.
- c) Umfjöllun um könnun á aðgengi fatlaðra að strætisvögnum og biðstöðum Strætó á höfuðborgarsvæðinu. Könnunin var unnin á tímabilinu 1. júní til 30. ágúst 2018.

Fram kom í könnuninni að aðgengi fatlaðra að biðstöðvum Strætó er verlega ábótavant. Einnig kom þar fram að allir strætisvagnar sem könnunin náði til voru merktir með aðgengi fyrir fatlað fólk og voru með útfellanlegum rampi, öryggisbelti fyrir hjólastóla voru til staðar í vögnunum en þóttu almennt ekki nógu góð.

Þátttakendur í könnunni voru sammála um að bæta þurfi aðstöðu við og á biðstöðvum og gott væri að vita fyrirfram hvaða biðstöðvar eru með aðgengi fyrir fatlað fólk en það myndi auka líkur á því að þeir notuðu Strætó.

### Fylgiskjöl:

- Vinnustaðagreining Strætó 2019
- Fyrirspurn frá ÍSAM, dagsett 14. ágúst 2018
- Fyrirspurn frá áheyrnafulltrúa Sósíalístaflokks Íslands í Reykjavík – R19040221
- Mælaborð yfir lykiltölur rekstri janúar til mars 2019
- Könnun á aðgengi strætisvagna og biðstöðvum Strætó, mars 2019

---

Björg Fengler

---

Hjálmar Sveinsson

---

Sigrún Edda Jónsdóttir

---

Karen Halldórsdóttir

---

Kolbrún Þorsteinstóttir, varamaður